


Dienelkander



Nuusbrief van die Gereformeerde Kerk Potchefstroom-Oos

15 September 2019

OGGENDDIENS: Ds. Piet

Ons dank die Here vir 'n baie geseënde Fokustyd en bid dat God dit in die hart van ons gemeente sal seën. Ons sluit vandag ons laaste tema af naamlik "liefde vir mekaar en liefde vir alle mense" - ja, ook jou vyande!

Liefde is die hart van ons geloof en Jesus beklemtoon dit wanneer Hy die Ou Testamentiese Wet in die twee bekende gebooie saamvat naamlik liefde vir God en liefde vir jou naaste!

Op die oog af lyk ons teksverse maar net na 'n interessante debat tussen twee Skrifgeleerdes oor die wet. Soos altyd is Jesus egter met 'n baie dieper saak besig! Hy is besig om ons te leer hoe om die moeilikste van alles "liefdes" te beoefen: die liefde vir ons vyande! Ons liefde vir God en vir ons naaste kom ten beste na vore wanneer ons mense na Christus lei! Die Nagmaal herinner ons weer vanmôre aan God se liefde vir ons en ons bid dat hierdie intieme ontmoeting met Christus ons opnuut met liefde sal vul om dit ook aan ons vyande uit te deel.

Ons nooi alle lidmate van ander gemeentes wat aansoek gedoen het om saam met ons Nagmaal te gebruik, hartlik daartoe uit!

Ontmoetingsdiens

Intreelied: Lied 334: 1, 2, 3, 4; Votum, Seën, Loflied Ps 18-2: 1, 8, 9; Geloofsbelydenis: NGB artikel 1: Sing Sb 12-3: 1, 2;

Verootmoedigingsdiens

Wet uit 1 Joh 4: 7 - 21; Sing Sb 9-3: 1, 2; Gebed;

Woorddiens

Skriflesing: Markus 12: 28 - 34;
Teksvers Markus 12: 34;
Woordverkondiging; Nagmaalformulier van Johannes Calvyn; Sing Sb 17-3: 1, 2;
Nagmaalbediening; Sing aan tafel
Ps 116-1: 1, 4, 5; Gebed;

Antwoorddiens

Liefdegawe; Sing Sb 15-1 met beurtsang: Vers 1 (almaal), 2 (brs), 3 (srs) en 4 (almaal); Seën; Sing Amen: Sb 13-2.

GROEPBEDIENING

Ons Woordbediening vind vanaand in kleingroepe plaas.

Daar kom ook groepe by die kerk bymekaar:
17:00 Groep 31 van Prof. Naas en
18:00 die Jong volwassenes

MEELEWING

- Oom Grobbie Grobler het Maandagmiddag in die Here ontslaap en die begrafnis was reeds Donderdag. Ons bid tannie Annatjie en haar kinders en al hulle vriende die troos van die Here toe.
- Gep Floor (Groep 28 - 083 388 1250) word nog steeds in Mediklineik behandel vir infeksie van onbekende oorsprong en vog op haar longe.
- Hannie Kruger (Groep 1 - 083 293 0944) was weer in Medikliniek opgeneem vir behandeling van swak bloedsomloop en hartritme probleme, sy is egter reeds ontslaan en sterk tuis aan.

- Thomas van den Berg (Groep 26 – 072 448 9932) se knieervangingoperasie het goed afgeloop, hy is ontslaan en sterk tuis aan.
- Esta du Plooy (Groep 33 - 082 532 3510) het 'n operasie aan haar heup ondergaan en sterk alreeds tuis aan.
- Loretha de Vries (Groep 6 - 082 559 1570) se broer is oorlede na 'n lang siekbed.
- Tannie Ina van Wyk (Groep 38 - 076 799 5547) is weer met kanker in haar beenweefsel gediagnoseer en ontvang behandeling.

Ons bid dat die Here beterskap, herstel, bemoediging en troos sal gee.

ONS VERWELKOM

Willemien van Rooyen wat in die GK opgeneem word. Sy woon in Rivierstr 138, groep 17. Sy is Christo van der Walt se suster.

BAIE GELUK

Baie geluk aan Dewald Coetsee wat gekies is vir Tswane se o/12 A-span vir die SA's in skaak. Ons is baie trots op jou!

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Janet vd Walt, Isak vd Walt, Tjaart Snyman, Bert Floor, Jacoba v Rooy, Magdaleen Venter, Koos en Marlene Jooste, Lana Labuschagne en Annette Coetsee.

ONDERSTEUNING VIR SIEKES

Vir ondersteuning of besoeke deur die hospitaalbesoekediensgroep, skakel hierdie week vir: siekes@oosdoppers.co.za of

Em Volschenk (082 564 1940) en

Elma Leijenaar (082 398 2874)

Medikliniek = 09:00-13:00 en 15:00-20:00

Mooimed = 11:00-11:30 en 15:00-16:00

en 19:00-20:00

Potch Hospitaal = 15:00-16:00 en 19:00-20:00

PROGRAM VAN DIE WEEK

Vandag

09:00 Gebedsgroep

09:30 Oggenddiens: Nagmaal

Geen Kleuterbediening

Geen Katkisasie

Tee en koffie in die Skuur

Nagmaalete

Groepbediening

Maandag

18:00 Kersmark

Dinsdag

06:00 Manne Ondersteuningsgroep

18:30 Kassierediensgroep

Woensdag

18:00 Katkisasie Gr 8

Geen Katkisasie Gr 11

19:00 Bybelstudie: Klipdrif

Vrydag

Kinderfees voorbereiding - Belydenisklas en ouers en alle helpers

Volgende week

Kinderfees

AFKONDIGINGS

- Liefdegawe vanoggend vir Barmhartigheid (Zapper betaal-metode beskikbaar)
- Gawe by die deure vanoggend vir die Diakonie.
- Gawes volgende Sondag vir die Teol. skool: Publikasies.
- Vrywillige bydrae vir voertuigsekuriteit in die bussies by die deure.
- Diensbeurte: Groep 4 en 5.

KINDERFEES

Hierdie jaar bied ons vir die 3de jaar die Kinderfees vir Gr R - Gr 7 aan.

Datum: 23-27 September.

Ouers kan kinders reeds om 07:00 in die oggend aflaai, ons program begin stiptelik om 08:00. Kinders moet weer om 13:00 opgelaai word.

Ons tema vir hierdie jaar:

VERTROU GOD! - reeks uit Daniël!



Nooi asb ook jou maats, niggies en nefies en help ons om by die skool en tussen vriende ons Kinderfees te bemark. "Like en share" ook ons facebook-blad sodat meer kinders in hierdie fees kan deel!

Meer inligting en inskrywingsvorme kan op ons webblad gekry word: www.oosdoppers.co.za of kontak vir tannie Engela 082 556 7806, ds Piet 018 290 5635 of kerkkantoor 018 290 7690 / kerkkantoor@oosdoppers.co.za.

KENNISGEWING VAN DIE EIENDOM DIENSGROEP: TOEGANG TOT KERKTERREIN

As gevolg van verhoogde veiligheidsrisiko het die kerkraad besluit om die toegang tot die kerkterrein (behalwe Sondae) te beperk en te reguleer. Die toegangshek op weksdae verskuif nou vanaf Rocherstraat na die groot hek in Parysplaan naaste aan die Kerkkantoor. Die hek word toegerus met 'n elektriese motor en toegangsbeheer. Van buite af sal daar 'n klokke wees waarmee besoekers toegang by die kerkkantoor aanvra. 'n Sekuriteitskamera word aangebring waarmee Adele sal kan sien wie toegang vra en sy sal die hek van binne oopmaak.

Vir toegang na-ure word 'n kodestelsel aangebring waarmee Bybelstudiegroepe, Katkisasieklasse en diensgroepe ens, toegang kan kry om vergaderings te kom hou en weer die terrein te verlaat. Die kode sal gereeld verander word ter wille van sekuriteit en sal aan sleutelpersone deurgegee word wat op gereelde basis toegang moet kry.

Ons vra lidmate se samewerking en geduld met die nuwe reëling ter wille van ons personeel wat in die week hier moet werk. Dit sal ons 'n tydjie neem en dan sal almal gewoon wees daaraan en sal ons veiliger kan werk en byeenkom.

VERJAARSDAE

Baie geluk aan almal wat DV hierdie week verjaar!

Sondag, 15 September

Br Simon du Plooy (van Myra) 082 453 8630

Maandag, 16 September

Sr Adele du Plessis

Sr Ria Robberts 082 444 7544

Br Dries Schutte (75- van Marthie) 083 379 9288

Dinsdag, 17 September

Sr Lorette Bester 084 601 0224

Br Koos de Klerk 082 966 7817

Sr Esmari Rood 071 683 0102

Jbr Henlu v As

Woensdag, 18 September

Br Martin Bester 082 569 0048

Sr Ena de Bruyn 084 444 5824

Sr Nelleke du Toit 083 946 8237

Br Tjaart Snyman (82) 083 548 0526

Donderdag, 19 September

Jsr Katrien Haasbroek

Vrydag, 20 September

Sr Hyla Alberts 082 967 1688

Br Wikus v Niekerk 082 824 1839

Saterdag, 21 September

Dries Schutte (77 - van Rita) 082 339 5547

ONS WORD MIDDELEEU!

Volgende jaar, op 19 April 2020, is die Gereformeerde Kerk Potchefstroom-Oos 'n volle vyftig jaar oud. Ons wil graag dié heuglike feit vier en op 'n paslike wyse dank aan die Here betuig vir sy groot daad in die lewe van ons gemeente sedert 1970, en vir alles wat hy ons nog steeds so ryklik skenk.

Ons doen dit ook in ooreenstemming met een van die strategiese prioriteite wat ons in die Vlamvat-proses geïdentifiseer het, naamlik om klem te lê op ons verbintenis aan die verlede (as jy nie dankbaar is oor jou verlede nie, watter toekoms het jy dan?)

Met die oog daarop om sinvol fees te vier, het die kerkraad oudl Paul du Plessis aangewys as die leier van 'n span wat daaraan moet werk. Maar ons weet daar is baie lidmate met kennis van die ou dae van die Oosdoppers, of wat besliste gedagtes het oor hoe ons dit kan inkleef. Daarom vra ons vriendelik en dringend dat as u enige idees hieroor het, of nog beter, as u daarmee wil help, u dit asseblief vir broeder Paul (084-504-6640 of



paulmarietp@gmail.com) moet deurgee.
Kom, help ons asseblief!

KANSA-PROJEK

Liewe Gemeente

Ons loods ons KANSA-projek vir 2019 tot einde Oktober. Elke gesin sal in die tyd 'n koevert kry waarin julle bydraes kan lewer. Vra gerus ook vir jou kollegas by die werk, familie en vriende. Kom ons poog om met hierdie projek die hele gesin te betrek.

Dit is nou al 'n instelling by ons Oosdoppers om jaarliks 'n mooi bedrag in te samel vir KANSA en ons vertrou dat ons dit weer hierdie jaar sal doen. So dien ons ook ons gemeenskap.

Wanneer julle bydraes gereed is, plaas asb die koevertjie in die kollekesakkie of in die kluis. Baie dankie vir julle ondersteuning aan hierdie projek wat ons almal na-aan die hart lê.

TSP-150-FEES

Ons nooi almal wat op een of ander manier verbintnisse met die GKSA, TSP en Universiteit het, om saam die Here te kom dank vir sy genadige voorsiening die afgelope 150 jaar, met die oog op ons huidige roeping.

Tema: Die impak van Gereformeerde Teologie

Datum: 18-20 September 2019

Lokaal: Geboue van die Fakulteit Teologie in Potchefstroom, die Teologiese Skool Potchefstroom en Administratiewe Buro van die GKSA.

Programinligting:

Woensdag 18 September

- 13:45 – 15:30 – Feeskongres (Kongresfooie R220)
- 16:00-17:30 - Begeleide toer deur Kerkmuseum en Totiushuis (ook vir nie-kongresgangers – gratis)
- 17:30 - Onthulling van gedenkplaat by TSP (ook vir nie-kongresgangers)
- 19:00 - Stemningsprogram "Met woord en lied" met Paul & Netta Schutte, instrumentaliste en NWU-

Koor in die Kerkgebou GK Bult (ook vir nie-kongresgangers - sagte kollekte)

Donderdag 19 September

- 08:00-17:00 - Feeskongres
- 17:15-18:00 - GTV-vergadering
- 19:00: Feesdinee en kunsuitstalling in die onthaalsaal van die Admin Buro (ook vir nie-kongresgangers, vooraf-bespreking en betaling is noodsaaklik teen 10 Sept – R200)

Vrydag 20 September

- 08:00-13:00 - Feeskongres
- 14:00-16:30 – Na-konferensie-besoek aan Krugerskraal (ook vir nie-kongresgangers, vervoer word verskaf en vooraf-bespreking is nodig teen 10 Sept. – R50)

Bankbesonderhede vir inbetaling:

ADM BURO VAN DIE GEREFORMEERDE KERK

ABSA BANK

REKNR 6-7014-0040

TAKKODE : 632-005

Verwysing : TSP150 + voorletters en van

Stuur bewys van betaling aan

elsabe.labuschagne@nwu.ac.za

Vir meer besonderhede en bespreking kontak
elsabe.labuschagne@nwu.ac.za / 0182991846.



Die Kuierkombuis

Aardklop 24-28 September 2019

*'n Gesamentlike projek deur
Gereformeerde Kerk
Potchefstroom-Die Bult en
Potchefstroom Dienssentrum vir
Bejaardes*

Ontbyt 08:00-11:30

Gekookte middagetes 11:30-14:30

Aandetes 17:00-20:30

Parkering een blok vanaf feesgronde

Koffiestoep met varsgebak

Koue drinkgoed

Groep kunsuitstalling (22 kunstenaars)

Adres: h/v Molen-en Borcherdstraat, Die Bult

WOORDKAFEE IN AARDKLOP 2019

Die Here maak dit vanjaar weer vir Woordkafee moontlik om deur kuns aangevul met Woordverkondiging op gereëldes tye, God se eer tydens die Aardklop-week te soek. Dr Rita Mare, direkteur van die Ruach Khahee en Tree of Life bedieninge, stel haar lewe beskikbaar vir diens aan die Here en sy het uitreik-ervaring met bedieningsgeleenthede in meer as 12 lande. Sy is onder andere jare lank betrokke by die sendingmissie vanaf Suid-Afrika na Rusland en het ook reeds in ten minste 4 Afrika-lande buite Suid-Afrika bedien.

Rita kom hierheen om vir Woordkafee se Aardklop-uitreik 3 sessies van 1 uur elk per dag aan te bied onder die titel "Uit die Skatkamers van God se Hart". Sy gaan onderwerpe soos "Die diep liefde van God", "Om deur te breek en te oorkom", "Die appel van Sy oog", "Ons as draers van Sy glorie", "Seëninge en beloftes van God", en andere, aanspreek. Sy koppel die onderwerpe ook aan die ryk betekenis van die Hebreeuse grondteks-woorde waarby hulle aansluit. Verder bring Rita 'n versameling skilderye van die kunstenaars-groep "Creative River of Harmony" wat hulle daarop toelê om vir die liggaam van Christus "... in ooreenstemming met die geloof wat ons bely." (Rom 12:6) 'n eenheidboodskap deur middel van kuns te bring. Die bediensessies vind plaas op Dinsdag tot Vrydag om 10:00, 13:00 en 16:00, en Saterdag slegs om 10:00. Die lokaal is Woordkafee se Aardklop-venue langs die Kuierkombuis op die hoek van Molen- en Borchardsstraat. Die skilderye kan deurentyd tussen die sessies in dieselfde lokaal besigtig word. Inligting oor al die spesifieke onderwerpe en die tyd waarop elkeen aan die orde gaan kom, sowel as die kaartjies teen R40.00 elk, is vooraf en gedurende Aardklop by Woordkafee (082 403 5130) verkrygbaar. LW daar is slegs 20 kaartjies per aanbieding beskikbaar.

KENNISGEWINGBORD

- GK-Treintoer vir studente en jong werkendes
- Wwesskamp: 21-24 September
- Met Woord-en-Lied-uitnodiging
- Kuesta Koorfees: 21 September om 19:30

KERKLIKE TYDSKRIFTE: KERKBLAD EN VROUEBLAD

Beskikbaar in die voorportaal van die skuur - slegs vir lidmate wat daarop ingeteken is.

ALGEMENE INLIGTING

LIEFDEGAWES VIR BARMHARTIGHEID (DIAKONIE)

ZAPPER (Selfoon toepassing)

Hierdie QR-simboolkode is gekoppel aan die Diakonie se rekening en **slegs bydraes vir Barmhartigheid** kan daarmee gemaak word - geen ander betalings aan die Diakonie of kerkraad nie



BYDRAES VIR DIE DIENELKANDER

Lidmate is baie welkom om bydraes/berigte of nuus vir die Dienelkander deur te gee na die Kerkkantoor. Doen dit asseblief voor Vrydae 09:00. ("Dien-elk-ander": Nederlands vir: dien mekaar!)

Die Dienelkander is elektronies beskikbaar en word Vrydae per e-pos uitgestuur. Kontak Adele by die kerkkantoor indien jy dit graag elektronies wil ontvang.

KONTAKBESONDERHEDE: PREDIKANT, HULPDIENS & KANTOOR

Ds. Piet: 018 290 5635 / 082 779 1237

Hulpdiens: Ds. Pieter vd Walt

– 082 851 3637

Prof. Herrie v Rooy

– 083 700 3933

Hanno van Schaik - 072 105 3961

Kerkkantoor: Adele 018 290 7690 /

kerkkantoor@oosdoppers.co.za

Kosterspaar: Johan 061 336 7255

Elsa 073 959 8051



SUSTERS IN DIE GELOOF

“Om-gee-wingsbewus”

Teeskinkgeleenthede

- *Baie dankie aan die groepsusters en hulle groepe se susters, broers en kinders wat met die skink en opwas help!*
- *Ons moedige susters en broers, selfs gesinne aan om met die skink en opwas te kom help – so leer ons mekaar en ons nuwe groepe beter ken!*

*Tee word **vandag** deur die volgende groeplede en hul groepsusters bedien: Sonette Turkstra en groep 5, Erika Rood en groep 14, Lana Laufs en groep 25, asook Stephanie Earle en groep 34.*

***Volgende week** skink Karin Kruger en groep 6, Naetta v Zyl en groep 15, Mari Steyn en groep 27, asook Nelleke du Toit en groep 35 se susters, tee. Baie dankie julle!*

Blikkies-warmharte

*Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal gooi en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproewing gaan. **Baie dankie vir julle getroue bydraes!***



Sustersbydrae

Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsamelingsgeleenthede geïen word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee



Baie dankie



Baie dankie aan Blok B en al die susters wat gehelp het om so 'n heerlike nagmaalete voor te sit.

Gesamentlike Sustersafsluiting



Die susters van Cachet nooi ons hartlik uit om by hulle te kuier:

Saterdag 19 Oktober vanaf 10:00 by GK Cachet, Gemeentesentrum.

Bring asb saam: Kokipenne, R20- donasie, 'n blom om jou hare/knoopsgat te verfraai.

Skryf asb jou naam op die lys in die voorportaal indien jy die afsluiting kan bywoon, voor/op Sondag 6 Oktober.

Belangrike datums vir die maand

DATUM	DAG	TYD	WIE	WAT
Aug-Okt	-	-	Almal	Kansa-projek
23-27 Sept	Week		Alle groepe	Kinderfees

Baie dankie aan ons borg van die week!

HUIZEMARK[•] EIENDOMSAGENTSAP

**ONS HET VOORDUREND POSTE BESKIKBAAR
VIR AGENTE EN BEMARKERS**

ONS DOEN :
Verkope & Verhurings

- * Huise, * Woonstelle,
- * Meenthuise,
- * Besigheidspersonele,
- * Plase, * Plotte



**VIR ALLE
EIENDOMSBEHOEFTE
SKAKEL**

Rolene vd Walt

082 859 6209

Linda Nolte

082 785 3951



OOSDOPPERTJIES

VERGEWE EN VERGEET

Markus 11:25 "En wanneer julle staan om te bid, en julle het iets teen iemand, vergewe hom; dan sal julle Vader wat in die hemel is, julle ook julle oortredings vergewe.

Dink jy regtig dis maar reg om vir God te sê hoe jammer jy is oor al die verkeerde dinge wat jy gedoen het en Hom te vra om jou te vergewe wanneer jy in jou hart kwaad is vir iemand anders? Komaan! As jy God vra om jou sonde te vergewe, moet jy bereid wees om ander mense se oortredings te vergewe. Wat goed is vir die een, is goed vir die ander: as God jou vergewe, moet jy ander vergewe.

Kom na God toe met 'n rein hart sodat Hy jou kan vergewe en seën.



GEDAGTE VIR DIE WEEK!

